

langkah signifikan ke arah
pemuliharaan ekosistem
marin dan pemerkasaan
komuniti menerusi
pelancaran projek MyCoral
Community Diver.

Berlangsung di Nelayan
Resort dan Taman Laut
Pulau Redang, inisiatif
ini adalah sebahagian
daripada MyCoral Eco
Marine Project bertujuan
memelihara terumbu
karang serta menyokong
komuniti tempatan
khususnya nelayan di
Setiu, Terengganu.

Projek MyCoral
Community Diver yang
mendapat sokongan
dalam bentuk geran
bernilai RM40,000 oleh
APPGM-SDG Income
Generation bermatlamat
memperkasakan
komuniti tempatan
terpilih terdiri daripada
nelayan, pelajar dan
keluarga mereka sebagai

MSU perkasa komuniti pelihara terumbu karang

penyelam skuba bertauliah
serta pakar pemulihan
karang.

MSU dalam kenyataan
media berkata, peserta
yang mengikuti program
sudah menjalani program
latihan 12 modul
komprehensif meliputi
teknik selam skuba,
kaedah pemuliharaan
karang, pemasaran digital
dan celik kewangan.

“Melalui lesen selam
skuba dan menguasai
teknik pemulihan karang,
peserta bakal menjana
pendapatan melalui
pakej pelancongan,
ekopelancongan dan
pemuliharaan terumbu
karang, sekali gus
memupuk kelestarian
ekonomi dalam kalangan
komuniti setempat.

“Projek MyCoral
Community Diver ini
turut membabitkan
kerjasama pintar MSU
dengan Jabatan Perikanan

Malaysia, Dorken Reef
Resources, RAH Venture
dan Persatuan Nelayan
Kawasan Setiu untuk
memastikan pendekatan
holistik terhadap
pemuliharaan terumbu
karang khususnya dan
kelestarian ekosistem
marin secara amnya serta
pembangunan holistik
komuniti setempat,”
katanya.

Projek MyCoral
Community Diver itu
dirasmikan Timbalan
Ketua Pengarah Perikanan
(Pengurusan) Jabatan
Perikanan Malaysia, Haji
Wan Muhammad Aznan
Abdullah.

Turut hadir, Pengarah
Perikanan Negeri
Terengganu Ruzaidi Mamat
dan Penolong Pengarah
Jabatan Pembangunan
Pelajar dan Kerjaya MSU,
Adnan Rosley.

MSU MyCoral Eco
Marine Project bakal



PESERTA menjalani program
latihan 12 modul komprehensif.



MYCORAL Community Diver mendidik, menjana pendapatan dan menggalak
pembabitian masyarakat dalam pemuliharaan terumbu karang.

memasuki edisi 7.0 pada
2024 sejak ia bermula
pada 2016.

Strategi pelaksanaan
secara menyeluruh MSU
dalam pemuliharaan
terumbu karang ini
secara tidak langsung
menyumbang kepada
peningkatan populasi
terumbu karang khususnya
di Malaysia, amnya
di dunia serta turut
menyokong Matlamat
Pembangunan Lestari
Pertubuhan Bangsa-
Bangsa Bersatu (UNSDG).